



REPUBLIKA E SHQIPËRISË

BASHKIA VAU DEJËS
SEKTORI I EMERGJENCAVE CIVILE

Projekt Vendimi Nr.1

Dt.16.04.2024

Mbi

**Perfundimin e dhënien e ndihmës financiare të menjëhershme familjeve të
dëmtuara nga tërmeti i 26.11.2019**

Bazueshmëria ligjore e vendimit të propozuar është:

Ligji Nr.139/2015 datë 17.12.2015 “Për vetëqeverisjen vendore” i ndryshuar ,Ligji Nr.45/2019 “Për mbrojtjen civile”, VKM-së Nr.329 datë 16.05.2012 “Për kriteret dhe procedurat e dhënies së ndihmës shtetërore financiare për mbulimin e dëmeve të shkaktuara nga fatkeqësi natyrore ose fatkeqësi të shkaktuara nga veprimtaria njezore”,VKM Nr.414 dt.08.07.2021 “Për miratimin e procedurave dhe kriterëve të ndarjes dhe përdorimit të fondit të kushtëzuar të Buxhetit të shtetit për Mbrojtjen Civile i ndryshuar ,si dhe në shkresën e AKMC Nr.446/2 prot dt.20.02.2024 ”Mbi fondin e kushtëzuar të buxhetit të shtetit për mbrojtjen civile për vitin 2024”,e protokolluar nga ana jonë me shkresën nr.1247 dt.22.02.2024, si dhe Vendimin e Këshillit Bashkiak Nr.91 dt.21.12.2023 “Mbi miratimin e Buxhetit të Vitit 2024 “konfirmuar nga Prefektura Shkoder me shkresën Nr.2/1 dt.09.01.2024”,

Përsa më sipër, Kryetari i Bashkisë Vau - Dejës për të përballuar dëmet e shkaktuara nga tërmeti i rënë me 26.11.2019 në banesat e tyre që janë banorë të Bashkisë Vau-Dejës, i propozon Këshillit Bashkiak që me shumicë votash:


V E N D O S I :

1. Miratimin e dhënies së ndihmës financiarë të menjëhershme me shumën 2.499.367 (dymilion e katërqind e nentdhjete e nente mijë e treqind e gjashtedhjete e shtate lekë në masën 15% te vlerës totale të dëmit për 9(nëntë) familjet e dëmtuara nga tërmeti i dt.26.11.2019 për të përballuar dëmet e shkaktuara në banesat e tyre sipas listës bashkëngjitur për të mbuluar 50 % të vlerës totale të dëmit të shkaktuar në banesat e tyre.
2. **Efektet:** Krijon lehtësira për përballimin e situatës emergjente të banorëve të dëmtuar.

3. **Burimi i financimit** do të jetë fondi i kushtëzuar i planifikuar në programin “Mbrojtja Civile “i cili është miratuar në rishpërndarjen e fondit për Emergjencat Civile për vitin 2024” që është bërë i disponueshëm në Sistemin Informatik financiar të Qeverisë sipas shkresës së Ministrisë së Financave dhe Ekonomisë nr.3806/1 dt.29.03.2024,

Konfirmoi bazen ligjore

Krishinë Shtati



Konceptoi

Valjeta Nikaj



Miratoi

Xhuana Kaçi



KRYETARI

Kristian SHKRELI

NË MUNGESË DHE ME URDHËR

ZV/KRYETARI

Aleksandra GJONI



LISTA E FAMILJEVE TË DËMTURA NGA TERMETI I DT.26.11.2019

Nr	Emri	Atesia	Mbiemri	Adresa N.J.A.	Adresa sipas qyteti/fshat	Kërkk/ banor data	Nr frymeve	Vl.totale dëmit sipas prevent/lekë	Trajtuar 35% 2020 & 2021&2023	50%	Diferenca
1	Gjon	Dod	Llesh	Njes Qender	Qyteti Vau-Dejes	10.12.2019	2	1.704.338	592.257	852.169	259.912
2	Anton	Gjon	Pylla	Njes Qender	Lagjia Deje	02.12.2019	1	1.843.682	658.052	921.841	263.789
3	Simon	Luigj	Peci	Njes Qender	Fshati Kaçë	27.11.2019	3	1.544.324	536.651	772.162	235.511
4	Lazer	Hil	Dragusha	Njes Qender	Fshat Shelqet	27.11.2019	2	1.972.607	685.485	986.304	300.819
5	Leze	Zef	Mami	Njes Bushat	Fshati Bushat	11.12.2019	3	1.915.608	665.671	957.804	292.133
6	Vasil	Pjeter	Ismajlaj	Njes Bushat	Fshati Plezhe	27.11.2019	6	1.840.355	639.486	920.178	280.692
7	Paulin	Jak	Hilacukaj	Njes Bushat	Fshati Konaj	02.12.2019	5	1.761.088	611.978	880.544	268.566
8	Gjergj	Pjeter	Plepi	Njes Bushat	Fshati Plezhe	02.12.2019	3	2.411.639	838.049	1.205.820	367.771
9	Petro	Ded	Ndreca	Njes.Vig Mnele	Fshati Mnele e Mmadhe	05.12.2019	3	1.509.784	524.717	754.892	230.175
Shuma								16.503.425	5.752.346	8.251.713	2.499.367

P/SEKTORIT EMERGJENCAVE CIVILE

Valjet NIKAJ



KRYETARI I BASHKISË
Kristian SHKRELI

NË MUNGESË DHE ME URDHËR

ZV/KRYETARI

Aleksandra GJONI





REPUBLIKA E SHQIPËRISË

BASHKIA VAU DEJES
SEKTORI I EMERGJENCAVE CIVILE

Nr. 1/1 Prot.

Vau Dejës, me 16/09 2024

RELACION

Për perfundimin e dhënies ndihmës financiare familjeve
të dëmtuara nga termeti 26.11.2019

Drejtuar : Këshillit Bashkiak Vau i Dejës

Të nderuar këshilltarë,

Bashkia e re Vau-Dejës ndodhet në Qarkun e Shkodrës dhe shtrihet në pjesën veriore të vendit. Qendra më e madhe e afërt urbane është qyteti i Shkodrës, vetëm 20 km larg; ndërsa largësia nga Tirana, kryeqyteti i vendit është 92 km. Bashkia kufizohet në veri dhe në perëndim me bashkinë e Shkodrës, në lindje me bashkinë Fushë Arrëz ndërsa në jug me bashkitë Pukë dhe Lezhë. Qendra e Bashkisë është qyteti i **Vaut të Dejës**.

Bazuar në Reformën Territoriale, miratuar me Ligjin nr 115/2014 “Për ndarjen administrativo–territoriale të njësisve të qeverisjes vendore në Republikën e Shqipërisë” kjo bashki përbëhet nga 6 njësi administrative, të cilat janë: Bushat, Hajmel, Vig Mnelë, Vau-Dejës, Temal dhe Shllak. Bashkia ka nën administrim 47 fshatra dhe një qytet. Njësia administrative Bushat ka numrin më të lartë të fshatrave (14 fshatra), i cili vijohet nga Temal (10 fshatra). Njësitë administrative Vig Mnelë dhe Hajmel kanë një numër shumë të vogël të fshatrave, respektivisht tre dhe pesë. Të gjitha njësitë janë pjesë e Rrethit Shkodër të Qarkut Shkodër.

Ligji Nr.139/2015 për Vetqeverisjen vendore në nenin 29 thuhet: *Funksionet e bashkive në fushën e sigurisë publike Bashkitë janë përgjegjëse për garantimin e këtyre funksioneve: 1. **Mbrojtjen civile**, në nivel vendor, dhe administrimin e strukturave përkatëse, sipas mënyrës së përcaktuar me ligj.*

VKM nr.329 dt.16.05.2012”Për kriteret dhe procedurat e dhënies së ndihmës shtetërore financiare për mbulimin e dëmeve të shkaktuara nga fatkeqësi natyrore ose fatkeqësi të tjera të shkaktuara nga veprimtaria njerëzore pika 1 thuhet: ” *Shteti ndihmon financiarisht të dëmtuarit, në rastet kur , si rezultat i fatkeqësive natyrore ose fatkeqësive të tjera të shkaktuara nga veprimtaria njerëzore , kanë pësuar dëmë ne njerëz dhe dëme në materiale në kushtet kur për përballimin e situatës :*

Është shpallur gjendja e emergjencave civile

Nuk është shpallur gjendja e emergjencave civile

Në Ligjin nr 45/2019 “ Për mbrojtjen civile” ,Neni 65 ,thuhet: *Bashkitë për zvogëlimin e riskut nga fatkeqësitë, si dhe kryerjen e detyrave në zbatim të këtij ligji mbështeten në parashikimin minimal prej 4% të totalit të buxhetit vjetor të tyre , të cilat sigurohen nga fondet e kushtëzuara të buxhetit të shtetit.*

Bashkitë mund të planifikojnë fonde të tjera shtesë nga burime financiare si: të ardhurat vendore, nga fondet që ju vijnë drejtpërdrejt nga ndarja e taksave dhe tatimeve kombëtare , huamarrja vendore , donacionet, burime të tjera të parashikuar në ligj.

Procedurat dhe kriteret e ndarjes dhe të përdorimit të fondit të kushtëzuar të buxhetit të shtetit për mbrojtjen civile miratohen me Vendim të Këshillit Ministrave, që është VKM Nr.414 dt.08.07.2021 “Për miratimin e procedurave dhe kriterëve të ndarjes dhe përdorimit të fondit të kushtëzuar të buxhetit të shtetit për mbrojtjen civile në pikën 3 thuhet: “Fondi i kushtëzuar i buxhetit të shtetit për mbrojtjen civile të përdoret sipas prioritizimit sipas pikës 3.1: dhe VKM Nr.290, dt.17.05.2023”Për një ndryshim në VKM Nr.414, dt.08.07.2021 “Për miratimin e procedurave dhe kriterëve të ndarjes dhe të përdorimit të fondit të kushtëzuar të buxhetit të shtetit për mbrojtjen civile” në kuader të ushtrimit të detyrave funksionale,

✦ **60-100 % e fondit të dedikuar për mbrojtjen civile mund të përdoret për a: Akordimin e ndihmës financiare për familjet , banesat e të cilave janë dëmtuar nga një fatkeqësi natyrore ose fatkeqësi të tjera , sipas kriterëve specifike të përcaktuara në aktet nënligjore që rregullojnë ligjin Nr.45/2019 “Për mbrojtjen civile” neni 41.**

Në ligjin 45/2019 “Për mbrojtjen Civile”, Neni 41 pika 2 thuhet: “Dëmet përballohen nga vetë bashkitë e prekura nga fatkeqësia , nëpërmjet fondit të dedikuar për mbrojtjen civile” si dhe pika 3 thuhet: “Në rast se bashkitë nuk kanë fonde të mjaftueshme për kompensimin, atëherë i planifikojnë ato për vitet pasardhëse , deri në masën e kompensimit të subjekteve të dëmtuara.

Gjatë vitit 2019, si pasojë e tërmetit janë demtuar 14 objekte banimi për të cilat është zbatuar procedura në zbatim të VKM Nr.329/2012 “ Për kriteret dhe procedurat e dhënies së ndihmës shtetërore financiare për mbulimin e dëmeve të shkaktuara nga fatkeqësi natyrore ose fatkeqësi të tjera të shkaktuara nga veprimtaria njerëzore” dhe janë trajtuar sipas VKB-ve përkatëse 5 prej tyre në masën 50% të vlerës totale të demit, ndërsa 9 familjet e mbetura janë trajtuar gjatë vitit 2020 & 2022 dhe 2023 deri në masën 35% të vlerës së demit.

Në këtë projekt vendim 9(nëntë) familjet e mbetura pa u dëmshpërblyer që janë dëmtuar nga tërmeti me 26.11.2019 parashikojmë të trajtohen në masën 15% të vlerës totale të demit për të mbuluar masën 50% të kompensimit.

Bashkengjitur relacionit është edhe tabela e detajuar me të gjitha të dhënat e nevojshme për argumentimin e fakteve që thamë me sipër .

Duke ju falenderuar, ju ftojme në miratimin e projekt vendimit Nr.1 dt.19.04.2024.

Konceptoi

Valjeta NIKAJ

Miratoi

Xhuana Kaçi